

170) Iyo ubugari bw'umuhanda budahagije kugirango ibisikana ryorohe, abayobozi b'ibinyabiziga bakora iki?

Iyo ubugari bw'umuhanda budahagije kugirango ibisikana ryorohe, abayobozi bashobora kunyura mu nzira z'impande z'abanyamaguru ariko ku buryo batateza impanuka abagenzi bazirimo

171) Imburira zimurika zikoreshwa zite ku kinyabiziga? Zikoreshwa ryari?

Imburira zimurika zikoreshwa ucana uzimya vuba vuba amatara magufi cyangwa bisimburana vuba vuba amatara maremare n'amagufi hagati ya saa kumi n'ebiri z'ijoro no kurasa ku izuba .

172) Ni uwuhe muvuduko ntarengwa w'ikinyabiziga mu nsiro?

Imodoka zigenewe gutwara abantu, uretse ibinyabiziga bitwarira abantu hamwe ,ibinyabiziga bidashobora kwikorera ibirenze toni imwe ni km 50/h
Ibindi binyabiziga byose ni 40km /h

173) Vuga ahantu nibura hatatu abayobozi b'ibinyabiziga babujijwe kunyuraho ku nzira nyabagendwa?

- Ahantu hari ikimenyetso kibibuza.
- Hafi y'iteme iyo hari umuhanda ufunganye
- Hafi y'aho abanyamaguru banyura

174) Umwanya usigara hagati y'ibinyabiziga bibiri bihagaze umwanya ku ruhande rw'umuhanda ubisikanirwamo kandi utuma hahita ibinyabiziga bibiri gusa, ugomba kungana ute iyo nta mategeko yihariye akurikizwa muri ako karere?

- Mu nsiro ni metero 5
- Ahatari mu nsiro ni metero 20

175) Ni ryari amatara maremare y'ikinyabiziga agomba kuzima ku nzira nyabagendwa?

- Iyo umuhanda umurikiwe hose kandi umuyobozi ashobora kureba nibura muri metero 100
- Iyo ikinyabiziga kigiye kubisikana n'ikindi kiri mu ntmbwe zihagije
- iyo ikinyabiziga gikurikiye ikindi muri metero zitagera kuri 50 keretse iyo umuyobozi wacyo ashaka kunyura ku cyo akurikiye acana azimya vuba vuba amatara maremare

176) Vuga ibintu bine umuyobozi w'ikinyabiziga agomba kwitondera mu gupakira ikinyabiziga cye?

Imizigo igomba gupakirwa ku buryo idashobora :

- Guteza abantu ibyago mu rugendo
Kwangiza mu rugendo inzira nyabagendwa, impande zayo ibiyubatsheho cyangwa umutungo uyikikije.
- Kubuza umuyobozi kubona neza cyangwa kubangamira gufata k'umuhanda cyangwa imiyoborere y'ikinyabiziga
- Gukingiriza amatara, uturebanyuma two hanze ,ibimenyetso byerekana icyerekezo,utugarurumuri nimeru iranga ikinyabiziga cyangwa ibimenyetso by'ubwoko